



NOGOMETNI / FUDBALSKI SAVEZ
BOSNE I HERCEGOVINE
FOOTBALL FEDERATION
OF BOSNIA AND HERZEGOVINA

Office:
N/FSBiH, Ferhadija 30
71000 Sarajevo, BiH
Tel.: +387 (0)33 27 66 76
Fax: +387 (0)33 44 43 32
+387 (0)33 23 62 75
e-mail: info@nsbih.ba
www.nfsbih.ba

Broj: 02 – 396-1/14
Sarajevo, 19.02.2014.

Komitet za hitnost Nogometnog/Fudbalskog saveza Bosne i Hercegovine, na osnovu člana 39. i 40. Statuta NS/FS BiH, na sjednici održanoj 19.02.2014. godine, donosi slijedeću

O D L U K U

1. Uvodi se zabrana organizovanog odlaska navijača klubova na gostujuće utakmice. Zabrana se odnosi na organizovane odlaske i posjete navijača kao i upotrebu i isticanje navijačkih rekvizita gostujuće ekipe a u cilju izbjegavanja mogućih sukoba i korištenja takmičenja NS/FSBiH i utakmica u mogućem promovisanju okupljanja i manifestovanja nesportskih aktivnosti na i oko stadiona, kao i na maršrutama putovanja.
2. Nalaže se organima i komisijama NS/FSBiH kao i klubovima i pojedincima koji učestvuju u izvođenju takmičenja, da posvete posebnu i dodatnu pažnju u organizaciji utakmica na osnovu važećih Pravila i procedura, kao i odluke o zabrani iz tačke 1. ove odluke.
3. Nalaže se organima i komisijama NS/FSBiH, zvaničnicima i pojedincima iz klubova da poštuju principe međusobnog uvažavanja, sportskog duha u takmičenju, savjesnog obavljanja poslova i predviđenih zadataka, neophodne međusobne komunikacije i svjesnosti obaveza i odgovornosti u vremenu koje je pred nama.
4. Obavezuju se svi oni koji su involvirani u realizaciju takmičenja na stalno unapređenje rada kroz obavezujuću edukaciju, češću i detaljniju analizu svih događaja sa prijedlozima mogućih izmjena i dopuna planova, procedura, propozicija i pravila, a sve u cilju uspješnog izvođenja takmičenja NS/FSBiH.
5. Obavezuju se rukovodstva, zvaničnici i odgovorne osobe klubova koji učestvuju u takmičenjima NS/FSBiH da posvete posebnu pažnju aspektu bezbjednosti na utakmicama, dodatni napor u što boljoj organizaciji utakmica i ispune obavezu neophodne komunikacije i saradnje sa navijačima svog kluba. Skrećemo posebnu pažnju stručnim licima u radu klubova, trenerima i igračima da je nogometna/fudbalska igra iznad svega, da ni jednog trenutka ne zaborave osnovne ciljeve sporta, respekt protivnika i službenih lica i na kraju da daju svoj maksimalni doprinos da natjecanje prođe u duhu fair-playa.
6. Mole se navijači da podrže svoj voljeni klub u svim aktivnostima do ispunjavanja zacrtanih ciljeva, da nikada ne zaborave interese svoga kluba i da svojim djelovanjem mogu ostvariti jak uticaj na uspjehe kluba, ali isto tako da svojim ponašanjem mogu generirati i sve negativnosti koje doprinose lošem imidžu kluba. Mole se navijači da sportske manifestacije ne iskorištavaju u promidžbu aktivnosti i svih pojava koje nisu vezane za sport i pozitivnu podršku svom voljenom klubu.
7. Na kraju molimo stanovnike BiH i ljubitelje sporta, navijače, sportiste i sportske radnike da imaju razumjevanje zbog neophodnosti donošenja ovakve odluke, te da podrže sve napore NS/FSBiH i klubova na stvaranju boljih uslova i ambijenta za izvođenje takmičenja u trenutnoj kompleksnoj situaciji.
8. NS/FSBiH će sa posebnom pažnjom pratiti realizaciju takmičenja, primjene Pravilnika, propozicija, odluka kao i sva dešavanja i situacije koje su razlozi uvođenja mjera i adekvatno tome poduzmati neophodne aktivnosti u narednom periodu.

Obrazloženje

Zbog teške ekonomske i sve složenije političke situacije u BiH, sve izraženijih problema u funkcionisanju pojedinih klubova, kao i vrlo loših i negativnih iskustava u proteklom periodu, a u cilju što uspješnijeg provođenja takmičenja u organizaciji NS/FSBiH, a posebno BH Telekom Premijer lige, odlučeno je kao u dispozitivu.

PREDSJEDNIK

Elvedin Begić



Idemo prvi! Dajemo više...



Javno preduzeće
ELEKTROPRIVREDA BOSNE I HERCEGOVINE
d.d. - Sarajevo

